



Il Desertina Boys ein parti e d'avegnan victurs tier las sliusas. FOTOS MAD



Il Veders sin via a val.

## Bellezia relaziuns – magra participaziun

14avla cuorsa da scarsolas e sliusas a Mompé Medel

■ (anr/hh) D'excelentas relaziuns da neiv ed aura ha la 14avla cuorsa da scarsolas e sliusas giu liug la dumengia vargada sin la via da meglieraziun a Mompé Medel. La participaziun ei stada magra, mo quellas e quels ch'ei separicipai han gudiu la cuorsa e la cumpignia. Dapi che l'Uniun da scursalar e spassegiar Mompé Medel organischa la cuorsa ha quella saviu porscher strusch ina ga allas concurrentas ed als concurrents relaziuns da neiv sco uonn. Las cundiziuns ein numnadamein stadas fetg bunas, era grazia alla gronda lavur prestada cuntinuadamein vid la via da scursalar ni era la bellezia'aura. Cheutras ei la pista stada excellenta e sper-

ta. La cuorsa ei danovamein vegnida arranschada sil tschancun dalla Val da Runs entochen all'entrada el vitg da Mompé Medel. Quei tschancun original ha ina differenza d'altezia da 239 meters ed ei rodund treis kilometers liungs. Per contonscher la partenza ei ina spassegiada da rodund 40 minutas necessaria. Il pli spert temps dil di ei vegniu contonschius la dumengia da Rafael Jacomet da Mustér. Biebein treis minutas ha el basignau per serender da Val da Runs entochen ell'arrivada el vitg. In'attraziun ein danovamein las sliusas stadas. Ellas ein aschidadir il sal ella suppa da quei arranchament. Suenter la cuorsa ei vegniu purschiu gentar all'arrivada.

### Il resuns animeschan

Cun struschamein 30 concurrentas e concurrents ei la participaziun stada uonn aschi magra sco aunc mai dapi che la cuorsa vegn arranschada. «Schieghe che nus essan stai paucs ein ils resuns stai fetg positivs ed empermettents. La bun'atmosfera ed il sustegn da tuttas varts da cuntinuar cun la cuorsa ein la pagaglia per bia lavur voluntaria che vegn prestada per saver realisar ina tala cuorsa. Gunder la cumpignia ei era ina part da quei arranchament», di la cassiera dall'uniun Jacinta Jacomet-Lombriser. Ins hagi fetg reclama aschi bein sco pusseivel, era repartiug feglis sgulonts ellas scolas. L'auter

onn san ils organisatur festivar in pign giubileum, la cuorsa ha numnadamein liug per la 15avla gada: «Nus speroin da saver beneventar in ni l'auter dapli igl onn 2019.» La via da scursalar a Mompé Medel ei buca mo in'attraziun il di dalla cuorsa, mobein era ina buna caschun da sedivertir in auter di cun scarsola. Las relaziuns fantasticas dil mument ein numndamein singularas. Gia la spassegiada entochen sisum la via ei – grazia alla bellezia survesta – in'attraziun.

### Rangaziun Scarsolas

Affons 2005–2010: 1. Lian-Mattia Murer, Mustér, 4.47.88; 2. Elia-Maurin Murer, Mustér, 5.04.52.

Affons 2002–2004: 1. Sereina Jacomet, Mompé Medel, 4.53.64.

Damas: 1. Nicole Jacomet, Mompé Medel, 4.11.40; 2. Fabiana Jacomet, Mustér, 4.13.49; 3. Lidia Manetsch, Mompé Medel, 4.59.21; 4. Andrea Jacomet, Mustér, 5.05.04.

Umens: 1. Rafael Jacomet, Mustér, 3.13.63; 2. Wendelin Jacomet, Mompé Medel, 3.28.10; 3. Ursin Jacomet, Mustér, 3.31.95; 4. Marcus Jacomet, Mustér, 3.46.22; 5. Gion Jacomet, Mustér, 4.03.13.

### Sliusas sin temps

1. Desertina Boys (Adrian Huonder e Manuel Tenner) 4.40.14; 2. Il Auters (Maurus Pally, Reto e Fabienne Locher) 6.22.16.

### Sliuas senza temps

1. Il Veders (Carla Durschei, Marco Tschuor, Pauli Steger, Peter Zazzi, Gion Lutz) 5.20.98; 2. Il purets dil Bostg (Sarina, Cedric, Nico ed Edgar Durschei) 6.52.26.

## Ina Bernesa ei «catschadura svizra»

Andrea Cavegn-Beer da Rueras ei stada el final

■ (anr/hh) La «catschadura svizra 2018–2020» ei ina Bernesa. Renate König-Fahrni da Zweisimmen ei la campionesa dalla concorrenza. Ella d'avegnan successura dall'Engiadinesa Silvana Stecher ch'ei stada ussa dus onns ambassadura dalla catscha svizra. König-Fahrni ei vegnida eligida la sonda vargada dalla giuria dalla concorrenza. Alla giuria han apparteniu representants dils purtaders dil tetel sco era dalla gasetta da catschadurs «Catschadur svizzer». Sco quei che la giuria scriva en ina comunicaziun als mieds da massa ei la decisiun buca stada semplia. «Tuttas quater finalistas ein catschaduras passiuadas. Leutier han tuttas las premissas per ademplir quella funcziun da catschadura svizra», di Tarzsius Caviezel, commember dalla giuria e president communal da Tavau. Il proxims dus onns ha la «catschadura svizra» in impurtont pensum en favur dalla catscha svizra. Aschia separicipescha ella a differentas exposiziuns ed occurrenzas ed ei aschidadir l'ambassadura dalla catscha. Siu emprem engaschament uffical ha Renate König-Fahrni sonda, ils 17 da fevrer 2018 all'Exposiziun da pesca, catscha e tira Berna. La surdada digl'uffeci da Stecher alla nova representanta vegn dil reminent moderada dil Lumnezian Renzo Blumen-

thal. Als visitaders dall'exposiziun seposcha aschia la caschun d'emprender d'enconuscher persunalme in la nova «catschadura svizra». La victura retscheiva in equipament da catscha cumplet ella valeta da varga 10 000 francs.

### Buca trumpada

El final ein quater catschaduras stadas, denter ellas era la Tuatschina Andrea Cavegn-Beer. Tuttas han allura giu la caschun da s'exprimer avon la giuria e la finalista ha quella priu la decisiun. «Jeu sundel buca trumpada. Forsa schizun in tec levgiada, pertgei ei fess tuttina stau ina partida termin», di Cavegn. Il temps dalla candidatura seigi staus fetg interessants, leutier hagi ella giu la caschun d'emprender d'enconuscher bia glied. Avon che comunicar la victura ha la giuria era presentau ses criteris per l'eleziun d'uonn. «Ord quellas informaziuns havein nus era sentiu ch'ins leva buc exnum ina Grischuna quella ga, damai che la catscha ei il mument in grond tema da discussiun el Grischun pervia dallas iniziatives», di Cavegn. Per ella seigi la qualificaziun pil finalista stada in grond success. Sco las autras finalistas ha era Andrea Cavegn-Beer obtenui bials premis ella valeta da rodund 1000 francs.



Toni Steger, Glion, second, la victura Laura Jemmi, Cuera, Renata Cathomas, Glion, la menadra dil turnier (ord concorrenza) e Peter Montalta, Schluein, tierz (da sen.).

## Ina giuvna ha gudignau il turnier da troccas a Sagogn

■ (cp) Il vendergis vargau ha il 7avel turnier da troccas a Sagogn giu liug. Quei turnier vegn organisaus dalla Pro Sagogn. Il responsabel per l'organiziun, Johann Cantieni, ha astgau beneventar 40 participontas e participonts tier quell'occurrenza. Quella vegn buca prida aschi seriusamein sco il campinadi grischun che ha giu liug miez schaner a Schluein. A Sagogn han las trochistas ed ils trochists la pusseivlad da prender revanscha per lur terradas al campinadi grischun. Quei ha la giuvna trochista Laura Jemmi, Cuera, nezegiau. Suenter ch'ella ha buca giu grond cletg al campinadi a Schluein ha ella battiu tut ses adversaris ell'aula dalla casa da scola nova a Sagogn. Sco emprema dunna ha Jemmi gudignau il turnier da Sagogn avon Renata Cathomas. Lezza era vegnida a Schlu-

ein l'emprema campionesa da troccas grischuna. Entochen uonn havevan mo umens gudignau il campinadi grischun. Cathomas ei ina enconuscha trochista che ha gia gudignau differents turniers da troccas. Dapi igl'emprem turnier dils 2012 meina ella il turnier da Sagogn. Sco menadra dil turnier eis ella separicipada ord concorrenza. Aschia ei Toni Steger, Glion, vegnius rangaus sco second e Peter Montalta, Schluein, sco tierz. Omisus ein era trochists passiuai. Montalta ei staus igl onn 2015 campin grischun. La victura ed il victurs han retschert in bi diplom creaus dall'artista Yvonne Gienal da Glion. El muossa las quater colurs dalle troccas. La Pro Sagogn emprova da mantener la tradiziun da dar troccas mintga vendergis allas 20.00 ella tegia nordica sper la casa da scola.

Tgi che ha interess da dar in scart ni d'emprender da dar troccas da s'annunziar tier Johann Cantieni, mail: jj@cantieni.info ni telefon 077 448 01 28.

### Gliesta da rangaziun

1. Laura Jemmi, 2. Renata Cathomas, 3. Toni Steger, 4. Peter Montalta, 5. Gion Balzer Casanova, 6. Annaletta Vincenz, 7. Claudio Camathias, 8. Anita Cavegn, 9. Paul Marty, 10. Sep Cadruvi, 11. Sigisbert Venzin, 12. Giuseppe Collenberg, 13. Daniel Vincenz, 14. Marina Brenz, 15. Vitus Dermont, 16. Meinrad Cadruvi, 17. Luis Poltéra, 18. Plazi Giuseppe Cadruvi, 19. Amanda Beeli, 20. Michael Cadruvi, 21. Pieder Caduff, 22. Ursalina Cavelti, 23. Johann Cantieni, 24. Flavio Huonder, 25. Luzia Jacomet, 26. Rest Giacun Dermont, 27. Mario Werth, 28. Orlando Buchmeier, 29. Maurus Cavigelli, 30. Gian Luca Vincenz, 31. Cornelia Meyer, 32. Maria Gartmann, 33. Susanna Kaib, 34. Marita Bürkli, 35. Christoph Fausch, 36. Gerda Manning, 37. Ivan Muoth, 38. Reto Caduff, 39. Lucas Camathias, 40. Kätho Hover.



Las quater finalistas: Andrea Cavegn-Beer, Renate König-Fahrni, Gina Imfeld e Mariella Cotti (da sen.).